

欽定剿平三省邪匪方略

欽定剿平三省邪匪方略正編卷六十五

戊午年

二月二十日

甲寅

勒保惠齡奏言查王三槐徐添

德及林亮功等各起賊匪經

臣

等分投剿殺後

各首逆卽從五寶場華尖壩趙塘壩分股由中

河後河四竄焚掠查該處附近太平通江均有

入陝之路勢甚散漫

臣

等現在帶兵自南而北

其迤北沿邊一帶兵力本屬空虛如賊匪乘間

入陝更難兜剿現除通江一路道路較遠已令  
恒瑞慶成帶兵截剿外其太平地方賊勢已經  
逼近尤易闖入極應設法剿辦遏其北竄之勢  
當令提督富成總兵朱射斗等帶兵由木竹坪  
跟蹤追躡派總兵保興由觀音崖小路抄出賊  
前迎頭堵截並派副將達桑阿等帶兵接應  
臣  
等督率總兵百祥副將雷仁等由豆坪寺白沙

河一路兜剿又恐道路分歧賊匪往來靡定必  
須於適中之地另派勁兵探明攻擊適貴州遊

擊王宏信帶兵一千名到營臣等卽派令從廠

溪前赴官渡一路以資策應一面布置妥協一

面催兵前進據保興一路稟報因賊匪晝夜翻

山奔竄該鎮隨將鍋帳等留後帶兵二千名各

裹乾糧星卽繞道於正月二十九日馳抵固軍

壩山梁遙見山溝內賊匪甚多該鎮卽用礮轟擊賊匪愍不畏死直撲山前幸我兵已佔地勢分爲兩翼從上壓下鎗箭並發自辰至午殺賊八百餘名內有執旗賊目新營頭領樊大珩任元策南營總頭領劉志德三名並生擒賊匪八十三名正在帶兵進發間復有賊匪數千由溝內繞至半山冀圖抄截後路保興卽派遊擊王

國棟等分投截殺自甲至酉又殺賊三百餘名  
拏獲賊目左國搢一名賊匪五十八名其餘均  
向山溝奔逸百祥雷仁等馳抵豆坪寺探聽王  
三槐股匪已從趙塘壩聞風驚竄正欲覓路截  
剿適據王宏信稟報初一日在官渡地方探有  
賊匪在金竹山一帶焚掠該遊擊星夜帶兵馳  
赴出其不意痛加截殺斃賊五百餘名餘匪跟

踰奔潰復由甘溪溝至長壩一路折回百祥聞  
信卽帶兵於初三日起到長壩時已薄暮賊衆  
正在涉淺渡河一見官兵直前對敵該處地勢  
稍平我兵施放連環斃賊三四百名生擒四十

五名官兵乘勝連夜追剿直至白沙河臣等督

兵趕到隨派保興百祥兩路兵勇星夜繞道前

赴太平扼要堵截臣等於白沙河山梁暫行紮

駐候前敵官兵分路進發之後卽於初五日四  
更同明興督率總兵徐昭德叅將穆克登布遊  
擊薛大烈哈三泰等帶兵進剿維時賊分數股  
佔據白沙河一帶大小山梁旗號插立無數見  
官兵兩面夾擊卽搖旗吶喊蜂擁分拒我兵奮  
勇迎擊刀矛並舉相持三四時殺獲無算賊匪  
屢敗之餘不敢抗禦旋有拋擲器械扒越山溝



紛紛潛逃者我兵乘勝追殺復殲雜賊匪五百  
餘名內有執旗頭領許一龍吳士貴二名并生  
擒賊目陳雲升唐國訓羅三濤三名賊匪七十  
五名<sub>臣</sub>等當卽進抵太平白楊溪地方接據富  
成等一路稟報該提督等由木竹坪帶兵進發  
行抵天台觀適見賊匪在彼焚掠經官兵趕上  
立時剿散獲賊訊供知係王三槐等分股在該

處牽緞官兵大賧已從白沙河一帶奔走該提督訊明後亦卽由天台觀一路繞至太平與保與百祥等會合統計此次各路殺死賊匪二千五百餘名生擒賊目賊匪等二百六十餘名訊據供稱王三槐徐添德樊人傑等因在五寶場聞前隊賊匪於豐城場被殲當卽計議分三股行走就近要往太平再向陝西逃竄不料連日

處處遇見官兵截殺未能衝出恐分路前赴通  
江一帶亦未可定林亮功等股匪聞得已竄回  
開縣燈草壩十三壩一帶等語餘無要供當將  
各犯凌遲正法所有此次連日打仗把總李瑤  
外委楊銳曹天佑殺賊陣亡其餘陣亡受傷兵  
勇另行查明咨部查刻下賊匪雖經官兵從太  
平一路併力兜截但恐官兵一經移剿賊匪仍

復折回因念太平地方先派原任總兵楊秀帶  
領兵勇駐防茲又酌留官兵一千名交與楊秀  
一併管領擇要分防其餘各路提鎮將領所帶  
官兵均已會合一處臣等卽日察探賊蹤相機  
兜剿其開縣一路折回之賊臣本先派舒亮穆  
克登阿帶兵迎擊茲又竄至十三壩地方該處  
路接雲夔亦關緊要惟緣舒亮穆克登阿已經

臣

恭摺勅叅當派建昌鎮臣富森布副都統銜  
六十七馳赴接辦並查額勒登保擒拏首逆覃  
加耀等業經蕝事亦已知會帶兵竟赴開縣境  
內力加剿辦至川北所屬通巴等處綿長數千  
里在在與陝境毗連且羅其清冉文儔等夥黨  
內尚有陝楚餘匪設或聞風知懼竄入陝疆殊  
有關係臣先經札令恒瑞慶成將原帶官兵由

巴州馳赴通江一帶擇要堵截嗣據營山文武稟報恒瑞慶成帶兵甫到儀隴地方因新寺場石板埡石路溝等處節節有賊未能繞道直前而前股賊匪已有竄赴通江洪口一帶者

臣復

專派提臣富成總兵朱射斗穆維等分帶前敵官兵星赴竹峪關洪口等處趕緊攔截仍飛催恒瑞慶成隨剿隨進毋許再有遷延再

臣入川

督兵以來留心察看查河州鎮總兵保典前在  
彈子壩三匯口等處打仗本屬奮勇此次最爲  
出力又山東曹州營叅將穆克登布節次隨同  
打仗殺賊最多人極勇往其餘超衆奮勇將備  
等員臣核其勞績開單呈

覽一併請

旨再副都統碩雲保自上年追剿竄匪入川感患痰

迷病症旋即就痊節次打仗俱極奮勇昨因追  
剿竄匪舊疾復發又墜馬傷足應請令其回京  
調理奏入

上命軍機大臣傳諭勒保恒瑞慶成曰勒保等奏官  
兵連日分路截剿賊匪情形雖經殲斃多賊究未  
獲一賊首未爲滿意勒保自抵川境以來節次痛  
殲賊匪各首逆敗竄東鄉意欲闖入太平該督前



奏分飭帶兵各員繞截邊擊自當將首逆設法擒  
獲如首逆未擒仍可到處裹脅而附從匪徒得有  
依恃豈能望風潰散不但蕪筦二三千名於事無  
益卽斬獲二二萬亦不敵生獲首逆二三名前次  
明亮等剿辦楚匪卽係如此況各路所報殺賊名  
數類不可信勒保自當力除積習大振軍威豈得  
踵襲故套隔數日具奏一次以爲搪塞地步耶此

時王三槐徐添德等一股折向何處勒保由白楊溪一路督兵進剿究竟到何處剿賊摺內亦未聲明看來川境賊首較多賊勢亦復散漫一時未能悉數殲擒勒保轉不必分心陝境專辦川東賊匪尅日擒渠至竄往開縣十三壩地方之林亮功一股據稱已派富森布六十七等馳赴開縣堵剿並咨會額勒登保仍帶原兵由雲陽開縣前進等語

額勒登保昨奏已由大寧取道赴陝現距川境已  
遠卽續接勒保咨會亦不能復行折回況首逆齊  
王氏高均德俱已竄合而李全一股又復偷渡漢  
江至城固五郎一帶該處正關緊要昨又諭令額  
勒登保速赴宜綿德楞泰一路幫同剿辦其竄回  
開縣賊匪不過敗竄餘生不難剿捕淨盡着責成  
富森布等奮力剿辦至恒瑞等成前奏抄赴儀隴

截剿羅其清一股迄今又已數日本日勒保奏稱  
新寺場石板埡石路溝等處節節有賊恒瑞慶成  
未能繞道直前而前股賊匪已竄通江洪口一帶  
是恒瑞慶成之沿途逗遛勒保雖未明白悉出其  
意已在言外恒瑞慶成着傳旨嚴行申飭並着勒  
保查明如果伊二人有遷延觀望之處卽行據實  
嚴叅又據奏打仗出力人員請加鼓勵此次勒保

等分路剿捕不過殲賊二千餘名首逆仍未擒獲  
乃亦臚列多員請恩鼓勵從前帶兵各員並不認  
真殺賊每遇奏報打仗情形輒將隨營員弁奏請  
邀恩以爲見好市恩地步今勅保亦蹈此陋習姑  
念伊爲總統後尙係初次保人不得不予以顏面  
是以降旨俱准所請嗣後必須擒獲首逆方准保  
奏此次殺賊陣亡之把總李瑤外委楊銳曹天佑

着咨部加等議卹

上諭內閣曰勒保奏總兵保興等迎殺賊匪最爲奮  
勇保興着加恩賞戴花翎叅將穆克登布着賞給  
副將職銜其餘打仗出力之叅將王鎔遊擊王國  
棟哈三泰都司常羣俱着賞戴花翎守備李連發  
張潔馬洵千總張如龍丁洪閻俊烈把總陳大榮  
外委馬鳴鶴楊林馬奉其馬兵邵澤潤仙安清俱

着賞戴藍翎外委徐有山着賞給勳勇巴圖魯名  
號以示獎勵

二十一日

乙卯

上命軍機大臣傳諭勒保宜綿德楞泰額勒登保曰  
朕聞軍營積弊或官兵追剿之時間有將賊匪擒  
獲者類皆老幼殘弱之人而真賊百不獲一兵勇  
打仗陣亡者則以多報少而殺賊之數則以少報

多或賊未來而先放鎗礮以冀其遠遁若賊勢逼  
近則移營退後以避其鋒且聞賊匪登山越嶺往  
來便捷而官兵轉畏崎嶇賊匪測探水淺處所卽  
呼羣而渡而官兵必待舟梁始過賊匪日竄百餘  
里而官兵日行祇四五十里前此帶兵大員皆中  
此弊以致首逆遠颺脅從日衆此種情形難逃洞  
鑒此時宜綿自己到明亮一路接辦剿賊事宜惟



當督同德楞泰額勒登保等盡革前非俾將士同心協力旗鼓一新速將首逆高均德齊王氏擒獲再整隊西向殲擒李全一股以期陝境肅清若稍踵前弊仍復因循日久使首逆忽分忽合到處蹂躪或竟闖入楚豫邊境則明亮等覆轍昭然亦不能稍爲寬假也

二十三日

丁巳明亮德楞泰奏言臣等前將高均

德一股賊匪連次殲殺該匪折向南竄正在乘  
勝逼剿詎後股賊匪復渡江而北前至鐵爐壩  
與高均德會合沿途捕獲賊匪王國相等訊據  
供稱續來之賊係齊王氏一股齊王氏因高均  
德一股屢被官兵擊敗人數無多分給一二千  
人幫同抗拒官兵等語數日以來該匪等時分  
時合擾至安康界內兩河關趙家灣一帶臣等

查該處係四達之區東北可通鎮安山陽商州

東南可通洵陽及湖北鄖西等處官兵必須分

路兜截

臣

明亮當卽率同圖桑阿賽沖阿溫春

長春等帶領官兵由譚家壩松樹壩一路抄至

蘭草坪

臣

德楞泰率同阿哈保阿穆勒塔達音

泰木騰額愛星阿等帶領官兵由大橋老樹嘴

一路抄至張家坪該匪聞兩路官兵前來退至

判官嶺該處山深林密溝澗幽深既可據險埋

伏抄截官兵並易從小道奔竄臣等彼此知會

星夜前進十一日臣明亮等率兵抄出判官嶺

之西北截擊臣德楞泰等率兵抄出東北夾剿

合圖桑阿達音泰木騰額長春愛星阿各帶官

兵由判官嶺南面左右山梁兩路並進該匪等

於溝內排列四五百人誘官兵進溝剿殺山林內

復擁出伏賊數千人併力抗拒賽沖阿溫春阿  
穆勒塔達音泰愛星阿等首先從兩山壓下賊  
衆見兵勢勇猛仍穿入深林臣等飛飭四面用  
鎗礮轟擊約半時之久賊衆站立不住成隊衝  
出捨命力鬥官兵斃賊甚多有穿紅衣賊目在  
後指揮率黨死拒賊人有退卻欲逃者該匪阿  
叱使前官兵奮力殲殺擒獲騎馬賊目馮大申

宋錫二名並射死穿紅衣賊巨二名殲斃三百

餘名賊人仍逃入深林紛紛狂竄臣等分投追

剿殲擒二百餘名該匪等俱由兩旁高山林內

肆逸官兵自未至申攪殺三時其殲戮五六百

名生擒七十二名當將馮大申等嚴訊據供齊

王氏與高均德商量原說不從商州到河南就

從洵陽到鄖西昨日聽得松樹壩麻坪河兩路

都有官兵高均德說若仍由北路前去恐官兵  
緊跟還要喫虧須當分爲數股從小路轉回南  
走牽誘官兵進入深山可以合力抵敵否則由  
小道繞出鎮安洵陽北去官兵就不能趕上等  
語察其供詞係屬狡譎實情當將該犯等凌遲  
正法<sub>臣</sub>等查賊志總要前竄東北被官兵分路  
抄擊復又南奔恐賊人詭計往往東擊西竄惟

有乘勝擊剽隨時相機兜截總不使賊匪肆竄

東北亦不墮賊奸計爲其牽制臣等現由東北

向南逼剿昨准興肇來札漢江南岸已無賊匪

興肇已帶領荆州滿兵會同柯藩前進協剿臣

等飛咨令其各帶官兵探明賊蹤與臣等兩面

夾擊此次打仗佐領噶三保恭領扎拉芬阿驍

騎校多昌阿均因奮勇殺賊受傷陣亡把總彭



家棟胸受矛傷其餘弁兵間有傷亡另行咨部

同日秦承恩奏言賊匪齊王氏高均德二股自

漢陰會合由安康北界竄至洵陽所屬之趙家

灣兩河關一帶滋擾臣與王文雄正在確探截

剿聞據城固縣牟鴻壽稟報李全一股竄入城

固北山內分爲兩股一向西北竄至留壩界內

一向東北竄至洋縣鐵石河北通郿縣盩厔東

通五郎柯藩帶兵由此路趕剿又據署留壩廳  
李崗稟報自城固竄來賊匪於初十日攻撲該  
廳所屬之桅桿石梁卡監經派防該處之巡檢  
董邦寧督率鄉勇據險抵禦賊匪不能越過現  
在竄赴佛葉坪老林其地可繞出鳳縣寶雞又  
據鳳邠道王文湧稟稱現與臣幕友監生張顯  
名帶領鄉勇由雞頭關趕往留壩探蹤截剿等

情臣查鐵冶河距五郎較近此股賊匪勢必仍

由五郎竄合齊王氏等一路佛葉坪之賊雖經

王文湧等帶勇探剿但路徑叢禿萬一闌入鳳

縣寶雞別無出路必由鳳翔岐山大路而出咸

陽徑趨潼關就此時情形通盤籌計齊王氏高

均德二股有明亮德楞泰大兵兜剿李全等分

竄鐵冶河一股即使趕入大夥亦有柯藩興肇

烏爾圖那遜等陸續帶兵追剿惟佛葉坪一股  
既已逼近棧道卽難保其不竄出寶雞臣等此

時自不便爲所牽制遽卽移師前往以致東路  
空虛但近省一帶並無攔剿之兵亦爲可慮臣

已飛飭王文湧等速卽鼓勵鄉勇入山搜剿如  
能剋日剿淨北面可以無慮臣等卽趕赴山陽

一帶專心迎剿南路之賊以期速奏廓清

同日柯藩奏言賊匪於二月初四日從柳林浦

北窰

臣

帶兵追剿於初七日趕至楊家灘賊人

正在焚掠

臣

帶領兵勇壓下殲賊百餘名生擒

朱云勝等三十三名訊據供稱聽得頭目萬順

等說要往小北河去等語餘無要供卽行正法

查小北河地方東達五郎洋縣西與留壩鳳縣

寶雞相通雖有秦承恩派撥兵勇堵禦尙恐賊衆

兵單是以商令秦承恩幕友張顯名帶領鄉勇  
二千名趕回褒城會同鳳翔道王文湧擇要堵  
禦臣卽挑選兵勇三千名翻山抄截初九日趕

至雙溪據探差報稱賊知官兵追至蜂擁而來

臣卽帶兵趕緊前進行將數里正遇賊匪兩面

俱係石崖臣督兵施放鎗礮擊斃多賊天已昏

黑賊方退去臣見道路窄狹恐墮賊計未便深

入露處紮駐

臣

隨察地勢情形派令叅將海洪

阿玉福帶兵七百名約定天明從山上壓下

臣

帶領副將德明額叅將達桑阿從溝內前進黎

明賊人向陽春溝翻山奔竄

臣

等兩面追擊殺

死四百餘名生擒五十三名

臣

於十一日趕至

密坪有本地民人報稱賊人離此十數里在三

岔河放火

臣

刻卽帶兵趕至見賊匪正在焚掠

不過百十餘人我兵從山上壓下鎗箭齊發登時剿盡連日逃出被裹民人男婦一千餘名當皆釋放其前隊賊人已向華陽楊家河一帶逃

竄臣仍復督兵趕緊剿辦

同日成德奏言臣於二月十一日接汪新咨陝

省漢中賊匪竄入楚北鄖西之紅岩歐家川等處滋擾已飛札路超吉帶兵速赴鄖西據險固



守囑

臣

帶兵速赴鄖郡防守查

臣

原帶荊州滿

兵三百數十名安徽兵二百餘名前往額勒登

保咨稱荊州府爲水陸通衢囑

臣

將原帶之兵

暫駐荊州並於襄陽宜昌二處隨時巡查今既

鄖陽一帶緊要

臣

卽酌挑荊州滿兵二百名及

安徽兵二百餘名帶領前往鄖陽察看情形相

機堵剿均奏入

上命軍機大臣傳諭勒保宜綰德楞泰秦承恩倭什  
布曰明亮等因賊匪在判官嶺竄聚帶兵分路進  
攻雖殲賊數百名尙不及前兩次殲賊之數而首  
逆未擒一名賊匪仍向深林奔竄殊屬無謂明亮  
等業經貽誤於前當此賊匪竄合之時尤當乘勢  
設法迎截兜剿不得因賊匪現在轉回南竄仍前  
尾追落後墮其牽掣官兵奸計又任乘間繞出東

北闌入楚豫邊境所有殺賊陣亡之叅領扎拉芬  
阿佐領噶三保驍騎校多昌阿俱着咨部議卹前  
因明亮等遷延日久已不足恃特令宜綿速赴明  
亮等一路軍營督辦軍務並將明亮革職解京治  
罪今又思宜綿究屬年老且又多病而明亮在彼  
日久且現在追剿賊匪正在喫緊之際若卽將伊  
擊問軍營轉少一人帶兵不若仍暫留軍營令其

載罪自贖以觀後效着宜綿再行傳旨將明亮作  
爲領隊帶兵聽宜綿調度使令此係朕於無可寬  
貸之中格外施恩若能自知感愧痛改前非能將  
齊王氏高均德等首逆拏獲不但可贖前罪尙可  
仰邀恩獎倘竟不知悛改仍前因循觀望則一罪  
俱發斷不能再邀曲貸也又據秦承恩奏截剿分  
竄賊匪情形已經四面兜圍惟潼關商雒一帶逼

近豫境前經倭什布酌派官兵前赴蒲州駐守今  
思王文雄雖與秦承恩在一路帶兵但該鎮究係  
豫省總兵或有須兼顧豫境之處兵力仍恐不敷  
著倭什布再添調壯健兵丁奏足二千名卽親自  
帶赴蒲州駐劄防堵並着秦承恩酌量情形如有  
需此項兵丁之處卽飛咨倭什布催兵前進此時  
秦承恩維當持以鎮靜不可稍涉張皇至柯藩所

奏情形全不明晰柯藩所追賊匪卽係秦承恩所  
奏李全分股在鐵冶河一帶竄奔之賊此股賊匪  
自必與齊王氏高均德一股合夥如賊首歸併一  
處則興肇柯藩等自西而東宜綿德楞秦等自東  
而西正可兩面夾擊柯藩等務須知感知懼勉圖  
立功自贖又成德奏帶兵馳赴鄖陽自應如此惟  
當布置嚴密不可使賊匪闖入楚境爲要

二十五日

已未

山西巡撫倭什布奏言

臣

探得川

陝賊匪經官兵追剿勢甚窮蹙并聞孥獲賊匪  
供稱現擬假扮客商欲由鎮安商雒一帶竄回  
豫省等語查晉省與陝豫僅隔一河賊情多詐  
防堵不可不嚴雖經檄飭各文武員弁小心巡  
防惟恐日久生懈或有張皇滋擾之處臣現赴  
蒲州府解州一帶查閱營伍卽就近親赴沿河

各渡口逐一密查毋使疎懈亦不敢稍涉張皇  
以昭慎密奏入

上命軍機大臣傳諭倭什布秦承恩曰前因秦承恩  
等在商雒一帶截剿賊匪恐兵力或有不敷曾諭  
令倭什布挑派壯健兵丁帶赴蒲州駐守今據該  
撫奏稱因查閱營伍之便前往蒲州適與前旨相  
合倭什布於到蒲州後酌量情形如賊匪距潼關



已遠省城有應辦要件卽將所調兵丁交明幹將  
弁帶領駐守聽候酌調該撫仍可回省辦事倘有  
未可遽離之處該撫卽應駐劄蒲州相機防堵總  
在察探情形隨宜斟酌方爲妥善

二十六日

庚申

勒保惠齡奏言查川省太平通江

一帶處處毗連陝境自高均德等入陝之後陝  
楚竄匪多由川北邊界零星遁赴陝疆者尙有

在川境內與冉文儔羅其清等勾結滋擾者而  
王三槐徐添德等一起賊匪自臣等於太平境

內截回俱折向通江一帶其勢非與冉文儔等

合夥卽從竹峪關仍出陝境臣等先因恒瑞慶

成進抵儀隴相距較遠是以派令富戒朱射斗

等帶兵星赴竹峪關一帶攔截而該處路徑叢

歧隨又派令總兵百祥副將雷仁等由茨巴門

一路倍道繼進以爲接應並派總兵保興副將

達桑阿等由亮埡子石窩場等處旁路兜截另

派副將宋延清等由豆家營立馬坡一路襲其

後路臣等督率鎮將等由太平之白楊溪通江

之草壩場進發一面差弁密探據報樊家灣絲

羅壩等處均有賊匪放火焚掠察其狡詐伎倆

必係後隊夥匪牽綴官兵臣等就近分兵搜捕

該匪等均卽踉蹌潰散其前隊賊衆果向竹峪  
關一路翻山奔竄適富成等於初七日先抵該  
處正在紮營卽有騎馬賊匪數十人竄至對面  
山梁望見營卡隨從厥成壩折回富成等當令  
朱射斗酌量帶兵留駐竹峪關該提督會同百  
祥分路進剿趕至茶尖坪殺賊二百餘名餘衆  
捨命逸去保興於初九日自石窩場一路進發

探知東峪溝現有賊匪青號白號賊旗甚衆該鎮卽分兵兩翼馳往迎擊叅將魏攀舉等由右面山梁先行趕到賊衆一見卽放鎗抗拒保興在對面山梁用礮轟擊賊亦分兩股前來抵禦我兵兩面夾攻殲賊六百餘名生擒騎馬賊目馮雲美並賊匪一百二十六名其由茶尖坪逸出賊匪於初十日竄至董溪口正遇宋延清等

趕到賊卽佔踞山上放鎗抗拒該副將等策勵  
弁兵搶上山梁當有騎馬賊目首先執旗衝下  
經官兵鎗擊立斃賊勢稍却我兵乘勢壓下短  
兵相接殺賊三百餘名生擒男婦八十二名口  
並搜出先鋒賊印一顆查驗鎗斃賊目旗號上  
書副帥先行張金蘭七字餘匪復由龍鳳埡一  
路奔竄臣等現在分兵兜剿一面提訊活賊等

據供王三槐徐添德因連日被官兵剿殺逃至  
黃鐘鋪遇見陝匪阮掌櫃等首夥一千餘人從  
巴州一路來至通江欲從竹峪關赴陝王三槐  
等卽與同行逃出竹峪關找尋齊王氏等合夥  
不意走到厥成壩望見竹峪關先已有兵連夜  
折回仍想從通江至巴州與冉文儒等合夥今  
被官兵殺散不知竄往何處等語當將各犯分

別處遲處斬查楚匪阮掌櫃據供不知名字自  
卽係前次所奏之阮正隴與王三槐羅其清等  
往來勾結茲已折赴龍鳳垭一帶屯聚正應設  
法殲除惟查龍鳳垭地方本係通江至巴州路  
逕而冉文儔羅其清等大夥匪衆正在巴州所  
屬青山觀等處盤踞恐王三槐等又復彼此聯  
絡是目下川北情形較川東更爲緊急自應偵



探賊蹤卽從通江一路趕緊兜剿其開縣境內  
雖尙有林亮功等竄回滋擾而各路官兵現經  
行抵通江暫難兼顧已飛飭副都統銜六十七  
總兵富森布察看情形遇要堵禦毋任蔓及雲  
萬下遊並飛催額勒登保仍由老木園前來就  
近督剿再甘肅藩司楊揆屢次出兵諳練軍旅  
去年來川辦理軍需情形均所熟悉是以

臣入

川後檄調隨營辦事現在後路糧餉軍火等項  
奉

旨專交福寧英善督辦並有本省司道分路催償足  
資經理可以毋庸該司兼管俾專心襄理軍務  
以期得力

同日秦承恩奏言據寶雞縣孟正笏稟報賊匪  
一股於十六日竄至該縣觀音峽滴水崖經該

處守卡鄉勇竭力堵禦因衆寡不敵多有傷亡

致被闖入又據鳳翔府崇祿稟報賊匪於十七  
日晚已由滴水崖竄至寶雞之號川岐山之桃

川現在挑帶鄉勇星速馳往堵禦

臣

查此股賊

匪因留壩地方有道員王文湧監生張顯名等

帶勇堵截遂向東北翻山擾至號川桃川一帶

該二處地界毗連距寶雞岐山及郿縣縣城各

一百二三十里不等若由賈雞岐山竄出係鳳  
翔進省大路若出郿縣竄出距省更爲切近且  
地勢平行可以直趨潼關窺伺豫境臣與王文

雄籌酌此時賊匪自應以齊王氏高均德兩股  
爲重明亮德楞泰自判官嶺痛加剿殺後賊衆  
仍向西路奔竄明亮等分道向南逼剿斷不令  
其竄至東北而額勒登保於十五日行抵興郡

日內已可馳赴鎮安是東北一帶有此兩路勁  
兵商雜等處尚可無虞惟省西兵備空虛是以

臣等帶領兵勇卽於本日由商州馳至西路探

聽賊蹤迎頭截剿已飛飭王文湧等督率鄉勇  
速由留壩竄路抄截並飭鳳翔府崇祿率同各

地方官鼓勵鄉勇嚴防要隘再接據辦理鎮安

糧運漢中府知府趙洵稟報本月十三日賊匪

一股由穆王坪撲至廟溝糧臺委員華陰縣縣丞王銑聞報卽將存糧二百三十袋令在臺長夫先由山後溝內趕緊背出自帶丁役二十餘名在溝口攔截後路不意賊匪蜂擁趕到該縣丞上前抵禦被賊匪四面圍裹該縣丞大聲喊罵手刃一賊賊衆憤恨將該縣丞亂矛戳死遍體鱗傷並遭剖腹情殊可憫理合奏

聞

同日額勒登保奏言臣由四川大寧縣所屬之

雞心嶺一路入陝連日趨程行走俱在萬山之

中沿途未得賊匪確信茲於十五日抵興安府

接見道員溫承恩據稱高均德一股賊匪前向

湖北鄖西一帶奔竄經明亮德楞泰等截殺該

匪仍折回陝省聞官兵追至洵陽一帶又聞

齊王氏一股已由西鄉等處竄來合駭並洋縣一帶尚有餘匪滋擾旋據明亮等咨送摺稿內

有拏獲賊匪鍾文貴等供稱賊匪要由山陽商州前入豫境各情查高均德齊王氏等分合無定倘竟由商雒一帶竄入河南該處道路寬廣且鄖陽鄖西一帶原有總兵路超吉在彼防守

臣前經奏令提督文圖帶領江西官兵往房竹



一帶堵禦楚北邊境想尙嚴密惟商雒一帶最  
關緊要秦承恩現駐商州帶兵甚屬有限王文  
雄帶兵駐劄山陽之漫川關距商州尙有一百  
二十里恐聲勢亦未能聯絡臣自應卽日渡江

由鎮安一帶馳赴商雒如沿途遇有竄賊卽可  
迎頭截擊倘賊匪或又繞道前往商州臣亦必  
另覓道路趕緊抄在賊匪之前務使賊匪不得

竄入環境至溫承惠所稱洋縣一帶滋擾之賊  
匪或係齊王氏一股餘孽該道已多集鄉勇保  
護興安并派有鄉勇前往石泉五郎一帶堵截  
臣帶有總兵關騰現領興漢官兵五百餘名卽  
飭令帶赴石泉一帶相機堵剿均奏入

上命軍機大臣傳諭勒保宜綿德楞泰承恩倭什  
布曰賊首王三槐徐添德等折竄龍鳳壩一帶屯

聚勒保卽從通江一路趕緊兜剿祇可如此辦理  
惟當趁此賊匪窮竄未合之先奮力截擊將首逆  
速行拏獲肅清川北斷不可又任逸入陝境致與  
勾合又據秦承恩奏賊匪竄入寶雞岐山界內現  
經帶兵截剿此股賊匪自卽係李全等分夥奔竄  
因留壩地方有兵勇防堵遂翻山繞至虢川桃川  
一帶該二處路徑分歧距省不遠秦承恩現與王

文雄由商州馳赴西路迎頭截剿前已降旨令倭  
仕布調山西兵二千名駐劄蒲州聽候檄調今分  
竄賊匪若由岐山逸出卽係鳳翔大路地勢平行  
可以直達潼關晉省新調之兵正可迎頭堵截但  
恐一時未能調齊倭仕布務須速行調撥派令妥  
幹將弁帶領迅赴蒲潼以資截剿至委辦糧臺縣  
丞王銑在廟溝遇賊被害情殊可憫着各部照陣

亡例加等議卹但該員既經委令辦理糧臺何以並未多派兵役防護軍糧祇帶丁役二十餘名以致被賊戕害且存糧二百三十袋據稱已由山後溝內背出賊匪既擾糧臺此項糧石是否被賊搶掠並着查明據實覆奏至現在宜綿白已早抵軍營務須大加振作一洗明亮等從前委靡積習而額勒登保現已馳赴商確日內亦可到彼伊本係

吉林人於帶領該處官兵自尤得力務宜各加奮  
勉策勵將士直前奮擊速將各首逆擒獲自無難  
以次淨盡倘再稍延時日或至齊王氏等復與李  
全合夥甚或任其由大道擾及潼關關入豫境則  
不但明亮等應加倍從重治罪卽宜綿額勒登保  
亦各有身家豈不自知顧惜耶

二十九日

癸亥

陸有仁奏言據各屬稟報統川賊

匪已竄至桃川直趨山門口經寶雞令孟正笏  
率領鄉勇在於九龍山施放鎗礮擊殺賊匪數  
十人並聞由省派撥兵勇前往策應賊隨折向  
東走由斜峪關出至平地圍攻郿縣城垣併擾  
及盩厔縣下青化鎮地方臣正在派撥兵勇帶  
領赴援適西安府朱勳自撫臣軍營回省面稟  
秦承恩一聞賊匪竄入寶雞卽經飛咨明亮德

楞泰額勒登保分剿鎮安孝義一帶賊匪以斷  
其東竄商雒之路並卽日會同王文雄連夜馳  
回近省一帶迎頭截殺旋據探報秦承恩王文  
雄已由捷徑趕赴鄠縣距盩厔郿縣不遠指日  
大兵臨剿正可乘賊人蟻聚之時痛加殲此

同日興肇柯藩奏言臣興肇自漢中行抵原上

鎮接據柯藩來信初十日在雙溪擊敗賊匪賊



已向東奔竄可由洋縣以北前來曾剿臣興肇

取道前進探知賊匪竄至鐵冶河十三日馳抵

該處臣柯藩亦率兵到來次日卽合兵緊追行

至楊家河地方據差探報稱賊匪現屯石板壩

臣等整旅進發賊人佔踞山巔毫不畏避其山

惟一徑可上派委副將德明額協領那全富魁

叅將玉福海洪阿等帶領奮勇兵丁直撲正路

臣等率領副將德亮協領巴克坦布喜卜產叅

將達桑阿槐他哈遊擊洪德及滿漢官兵分左

右兩路繞道而上賊見官兵撲及山腰卽拋擲

石塊紛紛下擊臣等鼓勵將士繞樹避石施放

鎗礮仰攻多時賊匪始漸驚亂三面官兵蜂擁

而上斃賊二百餘名餘匪滾山敗逃官兵直撲

下山復殺賊一百餘名生擒騎馬賊目一名餘

匪六十八名時已昏黑臣等卽暫紮山梁十五

日五更臣等帶兵追趕三十餘里又復掩殺二

百餘名賊人拋棄駝馬衣物甚多紛紛爬山越

嶺逃逸訊據騎馬賊目供稱名張倫泰管轄十

旗有四五百人我等本要趕上前縣等語餘無

要供當卽臬示兵丁內間有受傷陣亡者查明

另行報部

同日宜綿奏言

臣

於本月初七日由達州起身

十三日途次岳池縣適英善亦自保寧行至該

處當將川省軍需糧餉一切應辦事宜詳悉告

知隨將英善代辦陝甘事務文案接收視事近

接陝省稟報竄入西鄉之賊已擾至洋縣城固

一帶柯藩帶兵往東截剿漢中不可無人彈壓

臣

將所帶兵丁令其隨後行走

臣

先酌帶員弁

數人輕騎兼程趕抵漢中妥爲辦理均奏入

上命軍機大臣傳諭宜綿勒保德楞泰秦承恩曰陸  
有仁奏賊匪擾及郿縣整屋地方大兵分路堵剿  
此股賊匪自係李全等分股奔竄之賊現在秦承  
恩與王文雄帶兵已至郿縣地方距郿縣已近又  
據興肇柯藩奏在石板壩剿賊後亦卽向東追剿  
此摺係在整屋拜發自己趕至郿縣正可與秦承

恩等兩面夾擊但與肇等究不足恃着秦承恩督  
同剿辦斷不可復令東竄與齊王氏高均德等合  
夥亦不可令其逼近省城向臨潼等處逸出潼關  
此爲最要又宜綿秦酌帶員弁馳赴陝省相機剿  
辦前已降旨令宜綿赴明亮一路督同德楞泰等  
剿辦伊接奉後自必加緊行走趕抵鎮安孝義一  
帶而額勒登保此時自亦早到宜綿務須大加振

作督同德楞泰額勒登保明亮等統領勁旅直前  
奮擊將齊王氏高均德等擊獲再赴蓋屋郿縣一  
帶與秦承恩興肇等會合將李全一股迅速掃蕩  
不可再有遲緩